

TLHAGISA MAIKUTLO

Taletso go setšhaba go romela ditlhagiso

Mametlelelo ya Molaotlhomo wa Rejisetara ya Matlo [B28-2022] KAR75

Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji e laletsa batho ba ba nang le kgatlhego le baamegi go romela ditshwaelo tse di kwadilweng ka ga Mametlelelo ya Molaotlhomo wa Rejisetara ya Matlo [B28-2022] KAR75

Molaotlhomo o batla go mametlelela Molao wa Rejisetara ya Matlo, 1937, gore o tle o tlamele ka go thapiwa ga morejisetara wa matlo, motlatsa morejisetara le mothusa morejisetara wa matlo go ya ka dintlha tsa ditlamelo tsa Molao wa Tirelo tsa Setšhaba, 1994; go laola ka botlalo ditshwanelego tsa bokgoni jwa morejisetara wa matlo, motlatsa morejisetara wa matlo le mothusa morejisetara wa matlo; go tlamela ka go thapiwa ga morejisetaramogolo wa matlo; go tlamela ka maikarabelo le ditiro tsa morejisetaramogolo wa matlo; go dira tlamelo ya go kwalwa ga ditshwanelo tsa go nna le lefatshe tse di rebotseng semolao ke Puso kgotsa bothati bope fela jo bo nang le bokgoni; go tlamela gape ka kwadiso ya go tlosa boithatelo go lebeletswe kwadiso ya ditshwanelo tsa mmatota go na le le tsa khoro; go phimola tshupiso ya go kwadisiwa ga dikhopi tsa dithata tsa mmuedi mo rejisetareng e nngwe ya matlo; go dira tlamelo ya go tlhatlhoba direkoto le go tlamela ka tshedimosetso ke morejisetaramogolo wa matlo; go laola botokololo, ditiro, sebopego, dithata tsa go bouta le tuelo ya maloko a boto ya melawana ya direjisetara tsa matlo; go dira tlamelo ya gore Tona a dire melao mabapi le Molao ono le Molao wa Dithulaganyo Eleketeroniki tsa Kwadiso ya Matlo, 2019; go dira tlamelo ya gore Tona e dire melawana e malebana le go kokoanya tshedimosetso ya botho e amanang le lotso, bong, boagi le bosetšhaba ka mabaka a dipalopalo le tshekatsheko ya lefatshe; go tswelela go laola kwadiso ya lefatshe la Puso; go laola ka botlalo go ntshiwa ga ditifikeiti tsa leina le le kwadisitsweng la dishere tse di sa kgaoganngwang mo lefatsheng; go laola go ya pele dipaka tsa go kwadisa diboutu tsa notari kwa rejisetareng e fetang e le nngwe ya matlo; go tlamela ka thulaganyo ya kotlhao malebana le ditiro kgotsa go se dire ka *maitlhomo a mantle* ga morejisetara kgotsa motlhankedi tebang le ditiro tsa bona le batho ba bangwe ba e leng karolo ya tumalano; go tlamela ka thulaganyo ya kotlhao tebang le go baakanya, go diragatsa le go tlhomamisa dikwalo le ditokomane ka tsela e sa letlelewang;

go tsenya tlhaloso ya ‘*mmueledi*’; go rulaganyetsa gore mmueledi, motlamedi le mokwadisi yo o thapilweng ke Lefapha la Temothuo, Ntšhwafatso ya Lefatshe le Tlhabololo ya Metsemagae ba ka dira ditiro tsa mmueledi, molamedi le mokwadisi mabapi le dithekiso tse di malebana le lefatshe la Puso; go tsenya le go mametlelela dithhaloso tse di rileng; go tlamela ka mametlelelo ya Molao wa Dithulaganyo tsa Eleketeroniki tsa Kwadiso ya Matlo, 2019, ka bogolo jo bo tlhalositsweng mo Šejuleng; le go neelana ka dintlha tse di golaganang.

Dipotso, mmogo le ditlhagiso tse di kwadilweng, di ka romelwa go Rre Asgar A Bawa, Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji ka imeile mo go deedsregistriesamendbill@parliament.gov.za

Letlha la bofelo la go romela ditlhagiso ke Mosupologo, 15 Moranang 2024.

Dikhophi tsa Molaotlhomo di ka bonwa kwa go Rre A A Bawa mo Seleng 083 709 8530 kgotsa mo go www.parliament.gov.za.

E rebotswe ke Moh TC Modise, LP, Modulasetilo wa Komitikgetho ya Ntšhwafatso ya Lefatshe, Tikologo, Didiriswa tsa Diminerale le Eneji